

ქ. თბილისი

21 ივნისი 2019 წელი

საქართველოს შინაგან საქმეთა სამინისტროს სსიპ დაცვის პოლიციის დეპარტამენტი, შემდგომში წოდებული „შემსყიდველად“, წარმოდგენილი მისი თავმჯდომარის გიგა ნიკოლეიშვილის სახით და შპს ტელკო სისტემს“ შემდგომში წოდებული „მიმწოდებლად“, წარმოდგენილი მისი დირექტორის ირაკლი გულიაშვილი სახით, ორივე ერთად წოდებული „მხარეებად“, ვმოქმედებთ რა „სახელმწიფო შესყიდვების შესახებ“ საქართველოს კანონის მე-16¹ მუხლის 1 პუნქტის შესაბამისად, ვდებთ წინამდებარე ხელშეკრულებას:

1. ხელშეკრულების საგანი

1.1. შსს სსიპ - დაცვის პოლიციის დეპარტამენტის მიერ UTP ქსელის კაბელი შესყიდვა დანართი #1-ის (ფასების ცხრილი) შესაბამისად;

1.2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

ა) წინამდებარე ხელშეკრულება;

ბ) ფასების ცხრილი (დანართი #1)

2. ხელშეკრულების ღირებულება

2.1. ხელშეკრულების საერთო ღირებულება შეადგენს **5`790.00** (ხუთიათასშვიდასოთხმოცდაათი) ლარს.

2.2. ხელშეკრულების ღირებულება მოიცავს, როგორც შესყიდვის ობიექტის საერთო ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს, დ.დ.გ.-ს (კანონმდებლობით გათვალისწინებულ შემთხვევაში) და საქართველოს კანონმდებლობით გათვალისწინებულ გადასახადებს.

3. ანგარიშსწორების ფორმა და ვადები

3.1. ანგარიშსწორება განხორციელდება ეტაპობრივად ან მთლიანად ფაქტობრივად მოწოდებული შესყიდვის ობიექტის მიხედვით.

3.2. ანგარიშსწორების ვალუტა - ლარი.

3.3. გადახდის ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

3.4. ანგარიშსწორება განხორციელდება შესაბამისი მიღება-ჩაბარების აქტის ხელმოწერის, სასაქონლო ზედდებულის/საგადასახადო ანგარიშ-ფაქტურის (კანონმდებლობით დადგენილ შემთხვევებში) გამოწერისა და წარმოდგენის შემდეგ არაუგვიანეს 10 (ათი) სამუშაო დღის ვადაში,

3.5 ანგარიშსწორება ხორციელდება შსს სსიპ-დაცვის პოლიციის დეპარტამენტის 2019 წლის საკუთარი სახსრებით.

4. მიღება-ჩაბარების წესი

4.1. მოწოდებულ საქონლზე, მათ შორის ეტაპობრივზე, ფორმდება მიღება-ჩაბარების აქტი წერილობითი ფორმით, მხარეთა უფლებამოსილი წარმომადგენლების ხელის მოწერით.

4.2. საქონლის მიღებას აწარმოებს სსიპ დაცვის პოლიციის დეპარტამენტის ც/საწყობი.

4.3. საქონელი ჩაითვლება მოწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

4.4. თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად.

5. საქონლის მიწოდების ადგილი და ვადა

5.1. საქონლის მიწოდების ადგილი: ქ.თბილისი, დავით აღმაშენებლის ხეივანი, მე-11 კმ.

5.2. საქონლის მიწოდების ვადა: ხელშეკრულების - 30 კალენდარული დღის ვადაში.

6. ხელშეკრულების შესრულების კონტროლი

6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი, რომელსაც განახორციელებს სსიპ დაცვის პოლიციის დეპარტამენტის შესაბამისი უფლებამოსილი პირი.

6.2. შემსყიდველი საქონლის მიწოდების დროს მოახდენს საქონლის შესაბამისობის შედარებას ტექნიკურ დავალებაში აღწერილ ძირითად მახასიათებლებთან.

6.3. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.

6.4. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

6.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა ხარვეზის ან ნაკლის აღმოფხვრა.

7. საქონლის ხარისხი და გარანტია

7.1. საგარანტიო ვადა განისაზღვრება არანაკლებ 1 წლის ვადით მიღება-ჩაბარების აქტის გაფორმებიდან, არამექანიკური დაზიანების შემთხვევაში.

7.2. ხარვეზის, დაზიანების და დეფექტის მქონე საქონლის დაფიქსირების შემთხვევაში, საქონლის საგარანტიო მოქმედების ვადაში შემსყიდველი უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან საქონლის შეცვლა ახლით, აღნიშნულის შესახებ შემსყიდველი ატყობინებს მიმწოდებელს წერილობით ან/და ელექტრონული ფოსტის მეშვეობით (მიმწოდებლის მიერ მითითებულ ელ. მისამართზე), შეტყობინების გაგზავნის მომდევნო დღიდან ათვლელობა წუნდებული საქონლის ხარვეზის გამოსწორების ან შეცვლის 10 (ათი) დღიანი ვადა.

შენიშვნა: რეკვიზიტების, მათ შორის ელექტრონული ფოსტის მისამართის შეცვლის შემთხვევაში, „მიმწოდებელი“ ვალდებულია დაუყოვნებლივ აცნობოს „შემსყიდველს“ განხორციელებული ცვლილების შესახებ. რეკვიზიტებში (ელ.ფოსტის მისამართის შეცვლის) განხორციელებული ცვლილების „შემსყიდველისათვის“ შეუტყობინებლობის შემთხვევაში, ელექტრონული ფოსტით ან მისამართზე გაგზავნილი წერილი ჩაითვლება გაგზავნილად.

8. პირგასამტეხლო ხელშეკრულების პირობების შეუსრულებლობისათვის (საჯარიმო სანქციები, ფორმა, ოდენობა და გადახდის ვადები)

8.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

8.3. ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.50%-ის ოდენობით.

8.4. ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 5%-ის ოდენობით.

8.5. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა (შემსყიდველი შეატყობინებს წერილით ჯარიმის დაკისრების თაობაზე).

8.6. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით მხარეთა შეთანხმების საფუძველზე.

9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.4. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.5. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.6. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ შესყიდვის ობიექტის მიწოდების ვადის 10 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.7. ამ მუხლის მე-4 და მე-6 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული საქონლის ღირებულება.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. დაუძლეველი ძალა (ფორს-მაჟორი)

11.1. მიმწოდებლის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი, გარდა 11.3. პუნქტისა.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეებთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მოწოდებაზე ემბარგოს დაწესებით, საკანონმდებლო რეგულაციებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების დადგომისა და ხანგრძლივობის შესახებ. თუ მხარე მეორე მხრიდან არ მიიღებს წერილობით პასუხს - თანხმობას „ფორს-მაჟორი“-ს დადგომის შესახებ, იგი აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11.4. მხარეების მიერ „ფორს-მაჟორი“-ს დადასტურების - აღიარების შემთხვევაში ხელშეკრულებით გათვალისწინებული ვალდებულებების შესრულება მხარეთა წერილობით შეთანხმებით შეიძლება გადაწყდეს იქნეს „ფორს-მაჟორი“-ს ხანგრძლივობის ვადით.

12. სხვა პირობები

12.1. მხარეთა შორის სადავო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.

12.2 ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

12.3. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა აცნობოს მეორე მხარეს 10 დღით ადრე.

12.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.5. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

13. მხარეთა უფლება-მოვალეობანი

13.1. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

13.2. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.

13.3. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

13.4. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

13.5. მიმწოდებელი ვალდებულია მიაწოდოს საქონელი სათანადო ხარისხით და სრული მოცულობით იმ ვადაში, რომელიც მითითებულია ხელშეკრულების 5.2. პუნქტში.

14. ხელშეკრულების მოქმედების ვადა

14.1. ეს ხელშეკრულება ძალაში შედის მხარეთა უფლებამოსილი პირების მიერ დოკუმენტზე კვალიფიციური ელექტრონული ხელმოწერის შესრულების ან/და დოკუმენტების კვალიფიციური ელექტრონული შტამპით დამოწმებიდან და მოქმედებს 2019 წლის 31 აგვისტოს ჩათვლით.


14.2. ხელშეკრულება შესრულებულია საქართველოს კანონმდებლობის შესაბამისად ქართულ ენაზე.

14.3. ხელშეკრულების მოქმედების ვადის დასრულება არ ათავისუფლებს მხარეებს ხელშეკრულების მოქმედების პერიოდში აღებული ვალდებულებების შესრულებისაგან.

15. მხარეთა რეკვიზიტები:

შემსყიდველი:

მიმწოდებელი:

შსს სსიპ დაცვის პოლიციის დეპარტამენტი მის. ქ. თბილისი, დავით აღმაშენებლის ხეივანი მე-11 კმ ს/კ 211350928 თავმჯდომარე გიგა ნიკოლეიშვილი 	შპს ტელკო სისტემს ქ. თბილისი ყაზბეგის 29ა ს/კ 205203279 ბანკის დასახელება „ვითიზი ბანკი ჯორჯია“ ბ/კ: UGEBGE22 ა.ა GE54VT6600001212123602 ელ.ფოსტა iq@telco.ge დირექტორი ირაკლი გულიაშვილი
--	---

ფასების ცხრილი

№	საქონლის დასახელება	ტექნიკური მახასიათებლები	წარმოშობის ქვეყანა, მწარმოებელი კომპანია, მოდელი	ზომის ერთეული	რაოდენობა (სულ)	ერთ. ფასი	საერთო ღირ.	გარანტია	მიწოდების ვადა	მიწოდების ადგილი
1	(UTP ქსელის კაბელი, 305 მეტრიანი ხვია) K11B-B1I (350) 4*2*0,50 (UTP-cat.5E) 305m	Cat5e ტიპის, სპილენძის, ISO/IEC 11801 და IEC 61156-5 სტანდარტის მქონე	წარმოშობის ქვეყანა: უკრაინა მწარმოებელი კომპანია: ODESSA CABLE WORKS Odeskabel PJSC საფერმო ნიშანი: ОДЕСКАБЕЛ (Ok-net) მოდელი: K11B-B1I (350)	ცალი	30	193,00	5 790,00	1 წელი	30 კალენდარული დღის ვადაში.	სსიპ დაცვის პოლიციის დეპარტამენტის ც/საწყობში, მის: ქ. თბილისი, აღმაშენებლის ხეივანი, მე-11 კილომეტრი.
სულ							5 790,00			

1. ფასი მოცემულია ლარში დღგ-ს გათვალისწინებით, მოიცავს ამ ტენდერით გათვალისწინებულ საქონლის მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს;

შპს „ტელეკო სისტემს“-ის დირექტორი
ირაკლი გულიაშვილი

Irakli Guliashevili
Digitally signed by
Irakli Guliashevili
Date: 2019.06.05
11:22:53 +04'00'